

島子之名唯從我祖父之世古老口傳而經數百歲傳來語曰昔有水江浦島子者而好釣乘舟久遊江浦遂不歸來蓋入海中也唯未知經幾數百歲誰人再來更稱島子哉從祖父以往聞名僅傳也况玄孫之末世白頭老嫗縱雖聞名豈易知面哉於是島子知仙洞之裏遊覽之間時代遙謝人事沿革而悲歎舊鄉之遷變想像仙遊之未央戀慕之情胸臆似春悲哀之志心府如割不堪悲戀而忽開玉匣于時紫雲出於玉匣指蓬山飛去也島子玉匣開之後紫雲飛去之處老大忽來精神恍惚而歎息曰嗟妬哉嗚悲哉違神女一諾之約而失仙遊再會之期紅淚千行濕白鬢丹誠萬緒亂絳宮其後鳴金梁而飲玉液滄紫霞而服青衫延頸鶴立遙望鼇海之蓬嶺馳神鳳跨遠顧仙洞之芳談飛遊巖河而隱淪海浦也遂不知所終後代號地仙也

〔古事談王道后宮〕淳和天皇御宇天長二年巳丹後國余佐郡人水江浦島子此年乘於船到故鄉爰聞邑浪沒物皆不昔日山川相遷人居成淵于時浦島子走四方訪三族無敢知者但有一老嫗浦島子問云汝何鄉人乎又知吾根元哉老嫗答云吾生此鄉而百有七年不敢知君事唯吾祖父口傳云昔水江浦島子好釣遊海永不還其後不知幾百年云々浦島子聞此語即雖欲還神女處敢無然于時慕神女開彼所與之玉匣紫雲出從匣起上指西飛去云々但島子辭鄉之後經三百年還故鄉其容顏如幼童云々

〔水鏡淳和〕天長二年略中ことしうらしまの子はかへれりしなりもたりしたまのはこをあげたりしかばむらさきの雲にしざまへまかりてのちいとけなかりけるかたちたちまちにおきなとなりてはかぐしくあゆみをだにもせぬほどになりなき雄略天皇のみよにうせてことし三百四十七年といひしにかへりたりしなり

〔元亨釋書尼女十八〕如意尼者天長帝和之次妃也丹州余佐鄉人略中妃嘗蓄一篋人不得見裏面中略妃之同閭有水江浦島子者先妃數百年久棲仙鄉所謂蓬萊者也天長二年還故里浦島子曰妃